

Concierto Dominical "Donny Laclé"

Diadomingo dia 25 di augustus cu musica alegre, bon y varia



DIA 25 di augustus 2019, Fundacion pa Talento Musical Donny Laclé ta organisa un biaha mas un Concierto Dominical den foyer di Biblioteca Nacional Aruba den G. Madurostraat.

E prome presentacion ta na encargo di e trio Raquel y su Amigonan. Raquel Lampe ta lidera e trio aki cu lo laga nos gosa di diferente cantica popular Arubiano. Raquel ta pidi tur hende pa bini bon prepara pa canta hunto cu e trio, pa cuminsa e concierto y e dia aki cu bon energia.

E siguiente parti di e programa ta den man di señora Nena Ponson cu ta declama dos poema, esta "Angelitos Negros" y "Amor". E ta recorda e temponan di Sociedad Bolivariana y e trabou cultural di Señor De Lima (d.f.m.) cu tabata consul e tempo aya di Venezuela.

E di tres presentacion den e concierto dominical aki ta na encargo di guitarista Chris Kross y cantante Jossy Brokke. Jossy Brokke, compañia riba guitarra pa Chris, ta deleita publico cu su canticanan conoci den su bos unico. Chris lo toca tambe algun piesa instrumental.

Ta clausura e concierto aki cu presentacion di e grupo tipico "Un Brindis" cu a priminti di pone tur hende move, sea riba nan stul of riba pista di baile. E integrantenan ta Vicente Croes (fundador, director y harmonica di boca), Joselito Croes (director musical, piano y lead), Chelito Dirks (cuatro, cantante), El-

ton Loefstok (timbal y drum, cantante), Roland (Coco) Vries (congas, coro), Gilbert (Gibi) Croes (tambu y percussion), Hubert (Ibi) Ras (baho, cantante), Roland Jansen (cantante, percussion chikito). E artistanan invita ta Antonieta Ras-Booi, Javinah Besselink, Ivy-anne Bryson, Joshua Bryson, Eydilienne Nicolaas, Juni Dirks y Emilenne Maduro-Boekhoudt. E musiconan invita ta Franklin Leest, Rodney (Chobo) Besselink, Neohmar Maduro, Marcelo Maduro y Urvin Maduro. E concierto dominical aki tambe ta priminti di bira masha anima. Kiermen, shonnan, wak pa boso t'ey. Trece bo famia y bo amigonan pa nan bin gosa hunto cu bo di e ambiente unico di nos Concierto Dominical, diadomingo awor di 25 di augustus.

E concierto ta cuminsa exactamente 11.00 or di mainta y ta dura te mas o menos 13.00 or. Ta recomendabel pa yega trempan pa haya un bon luga.

Entrada ta gratis, pero semper por haci un donacion boluntario pa e fundacion por sigui yuda nos hobennan talentoso riba tereno di musica.

Comision Organizado
di Concierto Dominical
"Donny Laclé".

